



UNIVERSITÄTS-
BIBLIOTHEK
PADERBORN

Universitätsbibliothek Paderborn

**Dn. Conradi Clingii Theologi Et Ecclesiastae Celeberrimi
(dum vixit) apud Erphordiam Turingiæ, Catechismus
Catholicus, summam Christianæ institutionis III. libris
succinctim complectens**

Klinge, Konrad

Coloniae, 1570

VD16 K 1309

Prædicator qualis esse debeat. tit. 8

urn:nbn:de:hbz:466:1-29452

TITVLVS VII.

15

plificant effectum charitatis, id est, vnitatem. Est enim vnitas fructus charitatis, sicut calor operatur à Sole, vel splendor à Sole. Vbi ergo charitas, ibi & vnitas. Hac vnitate creuit Ecclesia, Act. 4. Multitudinis credentium erat cor vnū & anima vna. Augu. in Euang. Lu. 10. Da vnū, & populus Dei est: Tolle vnum, id est, vnitatem, & turba est. Quid enim est turba, nisi multitudo turbata? Hoc vnum est necessarium, Luc. 10. Hanc docent omnes Apostoli. 1. Corin. 1. Obsecro per nomen Domini nostri Iesu Christi, ne sint in vobis schismata. Rō. 15. Vno ore glorificetis Deum & patrē Domini nostri Iesu Christi. Quoties ergo scriptura commemorat charitatis, toties vnitatem cōmendat. Est enim charitas mater, quæ parit vnitatem, fons è quo fluit, sed ipsa charitas donum Dei est, quia fructus Spiritus sancti, qui donatur baptizato, ad Titum 3. Vbi ergo charitas est, ibi quoque vnitas Catholica. Nā vna est charitas veritatis, sicut fidei. Ideò Catholica est, & diuidi non potest, &c. Neque idem est credere in Christum intra vel extra Ecclesiam, id est, vnitatem. Vide infr. Titul. 32. & 208.

PRÆDICATOR QUALIS ESSE DEBEAT.

TITVLVS VIII.



Vgusti. lib. quinquagesimo homiliarū, homilia 25. Prædicator debet esse erogator verbi DEI, id est, dispensator, 1. Cor. 4. Nō autē exactor vel coactor aut castigator. Est enim alia potestas Spiritualis, quæ excōmunicat eū, qui Ecclesiam nō audit. Alia secularis, quæ gladiū defert. Rō. 13. illa debet corrigere, speculator tangit campanā, quando incendium percipit, sed non descendit de turri &c. Erogare ergo debet prædicator, non incarcerare. Postquam igitur prædicator dixerit verbum auditoribus, si au-

Matth. 18.

B b 2 dictur,

dicitur. benè: si autè minus, potestati incumbit: si illa negligens fuerit, peccatum etiam redundat in caput ipsorum, & prædicator, id est, admonitor excusatur, apud Ezech. 3. Si annunciaueris & dixeris &c.

Secundò, August. ad fratres Eremitanos, serm. 26. Legimus Gen. 3. quòd Dominus posuit Adam & Euã in Paradisum, & dedit præceptũ, quomodo uiuerent, & custodirent Paradisum: prædixit pœnã & gloriam. Si obedissent, benè mansissent in Paradiso. sed quoniam se non exhibuerunt obedientes, ideò Deus per angelum suũ expulit eos de Paradiso &c. Sic ego expulsi de domo & monasterio meo murmuratores, detractores, &c. quia non sunt digni mecũ & cum alijs clericis cohabitare. Nolo quoque tales esse in mensa mea &c. Ecce Augusti. expulit de congregatione solũ murmuratores & detractores: Quid si habuisset fornicatores, lufores, ebriosos, maledicos, &c. Sic olim etiam sunt expulsi de monasterijs, cathedralibus officijs, beneficijs, præbendis, Ecclesijs, qui non debitè & ordinatè vixerunt: Et sic erant purgata collegia & monasteria, quandò morbidæ oues eijciebantur, sicut etiam Paulus fecit, 1. Cori. 5. inquiens: Nunquid non parum fermenti totam massam corrumpit? sic vnus & alter facit, quòd tota congregatio malè audit. Et si ex senatu aliquis eijcitur, qui non rectè incesserit, Et si Christus admittit diuortium in legitimo statu, propter vnus fornicationem, Mat. 5. & 19. Cur non etiam contumax monachus & sacerdos eijcitur? At hæc correctio cleri cõuenientissima, iam nõ exercetur, quia communiter prælati etiam ipsimet tales sunt, quales illi, quos castigare deberèt &c. Sed vtrisque imminet periculum, Ezech. 1. Sanguis perditoris &c.

Tertiò, inquit Augustinus: Licet Adam peccauerit, Dominus tamen eũ non deseruit, sed ad pœnitentiã inuitauit, eumq; pœnitentẽ recepit, & salutem in Christo

Christo promisit. Sic expulsi clerici si pœnituerint, & vitam emendare proposuerint, non est illis deneganda misericordia, atq; ita extra Ecclesiam expulsos & excommunicatos, tandèm iterùm recipimus: Si autem persisterint in obstinatione, relinquēdi sunt &c. Matth. 18. Si Ecclesiam, id est, prælaturam Ecclesiæ aut monasterij, non audierint &c.

Quartò, inquit Augustinus sermon. 1. de Apostolis: salutem auditis ex ore sacerdotis: si bonus, carpe botrum de vite: si malus, carpe rosam in medio spinarum: non permittas, vt te spinę lacerent. Hoc Christus dicit: Secundùm eorum verba facite, non secundùm eorum facta, Matth. 23. At peccat grauius prædicator, nomen Dei inhonorans, contra quos dicit Propheta: Quare tu enarras iustitias meas, & assumis testamentum &c? Est quoq; differentia inter personã & officium. Vide infra Titulum 25. Psal. 49.

MODUS DOCENDI IUSTIFICATIONEM veterum Catholicorum.

TITVLVS IX.

Rimò omnium veterum patrum Catholicorũ concors est fides & doctrina, quòd Dei gratia & misericordia, propter Christum nos iustificat, saluat per media, id est, per fidem in Christum, per vsum Sacramentorum, & operationem bonorum operum, id est, obseruantiam præceptorum: Soli gratiæ & misericordiæ dederunt causam effectiuam remissionis & salutis. Sic elegit nos in Christo antè constitutionem mundi, vt laudetur gloria gratiæ suæ, Ephes. 1. Ad Roman. 8. quos elegit, scilicet, ab æterno, hos & vocauit, id est, ad fidem Euangelij in tempore; & quos ex gratia vocauit & misericordia ppter semetipsum, hos & iustificauit: & quos iustificauit propter semetipsum, hos & glorificauit, hoc est, omnium illorũ